

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
KANTONALNA AGENCIJA ZA PRIVATIZACIJU



BOSNIA AND HERZEGOVINA
FEDERATION OF BOSNIA AND HERZEGOVINA
CANTON OF TUZLA
CANTON AGENCY FOR PRIVATIZATION

Broj: 01-602/2018
Tuzla, 20.12.2018. godine

**POZIV ZA DOSTAVU PONUDA ZA PRAVNE USLUGE U SKLADU SA PRAVILNIKOM O POSTUPKU
DODJELE UGOVORA O USLUGAMA IZ ANEKSA II DIO B. ZAKONA O JAVNIM NABAVKAMA -
TENDERSKA DOKUMENTACIJA**

1. Podaci o ugovornom organu

Naziv i adresa ugovornog organa: Kantonalna agencija za privatizaciju Tuzla, Ul. Soli broj 2, 75 000 Tuzla;
ID broj: 4209091880009
telefon: + 387 35 290 216
fax.: +387 35 290 216
e-mail: kaptk@bih.net.ba

Ime osobe u ugovornom organu zadužene za kontakt: Adriana Kukić i Merisa Hasić, tel. 035/290-216, e-mail: kaptk@bih.net.ba

2. Podaci o postupku javne nabavke

Postupak javne nabavke odobren je i pokrenut Odlukom broj:01-595/2018 od 17.12.2018. godine. Radi se o postupku za dodjelu ugovora za nabavku pravnih usluga u skladu sa članom 8. stav 1. i 2. Zakona o javnim nabavkama ("Službeni glasnik BiH" broj: 39/14) i odredbama Pravilnika o postupku dodjele ugovora o uslugama iz Aneksa II dio B Zakona o javnim nabavkama ("Službeni glasnik BiH" broj: 66/16). Oznaka i naziv iz jedinstvenog riječnika javnih nabavki: 79100000-8 - usluge pravnog savjetovanja i zastupanja

3. Podaci o predmetu javne nabavke

Predmet nabavke su advokatske usluge pravnog savjetovanja, zastupanja i poduzimanja svih potrebnih pravnih radnji pred nadležnim sudovima u Bosni i Hercegovini i drugim institucijama i organima - prema potrebama ugovornog organa na period od 2 godine.

Usluge, uz ostalo, uključuju:

- sastavljanje podnesaka i isprava,
- pružanje pravne pomoći
- pravne usluge vezane za nekretnine,
- davanje pravnih mišljenja i savjeta u usmenom i pisanom obliku,
- poduzimanje pravnih radnji u pravnim predmetima pred sudovima i državnim organima,
- pružanje drugih oblika pravne pomoći u poslovanju Agencije

Pravne (advokatske) usluge bi se pružale uglavnom za složene i dugotrajne privredne sporove (i ostale sporove), koji najčešće imaju velike novčane vrijednosti, a za čije je objektivno i nepristrasno vođenje i presuđenje, potrebno veliko i bogato iskustvo u advokaturi, a naročito dosadašnji postignuti uspjesi u privrednim sporovima.

Advokatske usluge se pružaju sukcesivno, po potrebi Ugovornog organa, na području Bosne i Hercegovine.

4. Procijenjena vrijednost nabavke

Obzirom da se, u predmetnoj nabavci, radi o sukcesivnom izvršenju usluga, ukupna procijenjena vrijednost nabavke za cijeli period izvršenja iznosi 80.000,00 KM. Račun za izvršenu uslugu, koji je ispostavljen na osnovu narudžbenice izdane od strane ugovornog organa, vrijednosti do 1.000,00 KM, bez poreza na dodanu vrijednost(PDV), smatrat će se ugovorom.

5. Uslovi za kvalifikaciju u smislu ličnih sposobnosti (član 45. Zakona)

Ponuđač je dužan u svrhu dokazivanja lične sposobnosti dokazati da:

- a) u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan,
- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan,
- c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini,
- d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili u zemlji u kojoj je registrovan.

U svrhu dokazivanja uslova iz tački a) do d) ponuđač je dužan dostaviti popunjenu i ovjerenu izjavu kod nadležnog organa (notar ili općina). Izjava i njena ovjera ne smiju biti starije od 30 dana od dana predaje ponude. Sve dostavljene dokumente prije zaključivanja ugovora pregledat će i ocijeniti komisija nadležna za provođenje postupka nabavke, o čemu će se sačiniti i poseban zapisnik.

Ponuđači koji dostave prihvatljive ponude u ovom postupku javne nabavke dužni su dostaviti sljedeće dokaze u svrhu dokazivanja činjenica potvrđenih u izjavi i to:

- uvjerenje nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji za korupciju, prevaru ili pranje novca,
- uvjerenje nadležnog suda ili organa uprave kod kojeg je registrovan ponuđač, kojim se potvrđuje da nije pod stečajem, niti je predmet stečajnog postupka, da nije predmet likvidacije, odnosno da nije u postupku obustavljanja poslovne djelatnosti,
- uvjerenja nadležnih institucija kojim se potvrđuje da je ponuđač izmirio dospjele obaveze, a koje se odnose na doprinose za penziono i invalidsko osiguranje i zdravstveno osiguranje;
- uvjerenja nadležnih institucija da je ponuđač izmirio dospjele obaveze u vezi s plaćanjem direktnih i indirektnih poreza.

Uvjerenja ne smiju biti starija od 3 (tri) mjeseca računajući od dana dostave ponude. Dokaze o ispunjavanju uslova ponuđači su obavezni dostaviti u roku od 5 (pet) dana od dana prijema odluke o izboru kvalifikovanih ponuđača, u originalu ili kopiji ovjerenoj od strane nadležne institucije.

Dokazi moraju sadržavati potvrdu da je ponuđač u momentu predaje ponude ispunjavao uslove koji se traže u pogledu njegove lične sposobnosti. U protivnom, smatrat će se da je dao lažnu izjavu iz člana 45. Zakona.

Ukoliko ponudu dostavlja grupa ponuđača, svaki član grupe mora ispunjavati uslove u pogledu lične sposobnosti i dostaviti dokaze za svakog člana grupe posebno.

6. Ostali uslovi za kvalifikaciju (čl.46. i 50. Zakona) u svrhu dokazivanja sposobnosti ponuđača i dokazi koji se traže

1. Ponuđač je dužan u svrhu dokazivanja sposobnosti obavljanja profesionalne djelatnosti (član 46. Zakona) dostaviti sljedeće dokumente:

- original ili ovjerenu fotokopiju akta o upisu u nadležnu advokatsku komoru,
- original ili ovjerenu fotokopiju aktuelnog izvoda o upisu zajedničke advokatske kancelarije u evidenciju ili imenik nadležne advokatske komore
- original ili ovjerenu fotokopiju rješenja o upisu u sudski registar sa svim izmjenama ili aktuelni izvod iz sudskog registra kojim su obuhvaćene sve izmjene u sudskom registru, ukoliko je registrovan kao član advokatskog društva.

2. U pogledu tehničke i profesionalne sposobnosti (član 50. Zakona), ponuđači moraju ispunjavati sljedeće uslove:

- da imaju iskustva u pružanju advokatskih usluga u privrednim sporovima u posljednje 3 (tri) godine
- da imaju iskustvo u sporovima nastalim u postupku privatizacije

Kao dokaz o iskustvu iz tačke 6. podtačka 2., alinela 1. i 2. ponuđači su dužni dostaviti Potvrde klijenata kao zastupane strane (tužioca ili tuženog) o uredno izvršenim advokatskim uslugama, koja u skladu sa članom 48. stav 3. Zakona o javnim nabavkama BiH mora sadržavati sljedeće elemente:

- naziv i sjedište klijenta,
- predmet sudskog spora u kome je ponuđač zastupao klijenta,
- vrijednost tužbenog zahtjeva u sudskom i sudski broj predmeta,
- vrijeme zastupanja i sjedište nadležnog suda pred kojima je ponuđač zastupao klijenta,
- izjavu klijenta o uredno izvršenim advokatskim uslugama od strane angažovanog ponuđača

7. Kriteriji za izbor ponude

Ugovorni organ će, kada se ukaže potreba za nabavkom usluga koje su predmet nabavke, za svaku uslugu – u skladu s pojedinačnim potrebama, vršiti izbor između prijavljenih (kvalifikovanih) ponuđača, odnosno dostavljenih ponuda, cijeneći pritom - u svakom pojedinačnom slučaju, specifičnost i kompleksnost nabavke, kao i vrijednost sudskih sporova, uvažavajući i pravnu oblast u koju je svrstana usluga koja je predmet nabavke.

Podaci o ponudi

1) sadržaj i način izrade ponude

Ponuda (originalni primjerak i kopija) mora sadržavati najmanje:

- obrazac za dostavljanje ponude - prilog I
- izjavu iz člana 52. Zakona o javnim nabavkama - prilog II
- izjavu o ispunjavanju uslova iz člana 45. stav (1) tačka a) do d) Zakona o javnim nabavkama, prilog III
- dokaze o ispunjavanju uslova iz tačke 6. podtačka 1. i 2. Poziva za dostavljanje ponuda

Ponuđači su obavezni da pripreme ponude u skladu sa kriterijima koji su utvrđeni u ovoj tenderskoj dokumentaciji. Ponude koje nisu u skladu sa ovom tenderskom dokumentacijom će biti odbačene kao neprihvatljive.

Ponuđači snose sve troškove nastale na ime pripreme i dostavljanja njihovih ponuda.

Ponuda se izrađuje na način da čini cjelinu. Ako zbog obima ili drugih okolnosti ponuda ne može biti izrađena na način da čini cjelinu, izrađuje se u dva ili više dijelova.

Ponuda se čvrsto uvezuje na način da se onemogućí naknadno vađenje ili umetanje listova, u ponudi staviti popis dokumentacije (sadržaj).

Ako je ponuda izrađena u dva ili više dijelova, svaki dio se čvrsto uvezuje, na način da se onemogućí naknadno vađenje ili umetanje listova.

2) Način i rok dostave ponude

Ponuda, bez obzira na način dostavljanja, mora biti zaprimljena u ugovornom organu na slijedećoj adresi: **Kantonalna agencija za privatizaciju Tuzla, Ulica Soli broj 2, 75000 Tuzla, Bosna i Hercegovina**, najkasnije do **04.01.2019. godine do 15:00 sati**.

Sve ponude zaprimljene nakon tog vremena su neblagovremene i kao takve neotvorene će biti vraćene ponuđaču. Ponude se predaju na protokol ugovornog organa ili putem pošte na adresu ugovornog organa u zatvorenoj koverti na kojoj na prednjoj strani koverta mora biti navedeno:

- PONUDA ZA NABAVKU PRAVNIH USLUGA -
“NE OTVARAJ”

Na zadnjoj strani koverta ponuđač je dužan da navede naziv i adresu ponuđača.

3) Period važenja ponude

2 (dvije) godine.

Ako ponuđač u ponudi ne navede period njenog važenja, smatra se da ponuda važi za period naznačen u tenderskoj dokumentaciji.

U slučaju da je period važenja ponude kraći od roka navedenog u tenderskoj dokumentaciji, ugovorni organ će odbiti takvu ponudu u skladu sa članom 60. stav (1) Zakona.

Ugovorni organ zadržava pravo da pismenim putem traži saglasnost za produženje roka važenja ponude. Ukoliko ponuđač ne dostavi pismenu saglasnost, smatra se da je odbio zahtjev ugovornog organa, te se njegova ponuda ne razmatra u daljem toku postupka javne nabavke.

4) Datum i vrijeme za provođenje pregovora

Pregovori se neće provoditi.

5) Mjesto, datum i vrijeme otvaranja ponuda

Ponude se otvaraju na adresi ugovornog organa dana 07.01.2019. godine u 11:00 sati.

8. Dodatne informacije

Ugovorni organ će provesti postupak otvaranja i analize ponuda u skladu s uslovima navedenim u ovom pozivu i izvršiti izbor kvalifikovanih ponuđača te iste obavijestiti o rezultatima postupka. Objava obavještenja o dodjeli ugovora vršit će se u skladu s članom 74. stav (2) Zakona. Ovaj poziv objavit će se na web stranici Vlade TK www.vladatk.kim.ba,

9. Naziv i adresa žalbenog organa kojem se izjavljuje žalba i rok u kojem se izjavljuje

Žalba se izjavljuje ugovornom organu u pisanoj formi direktno ili preporučenom poštanskom pošiljkom, a u skladu sa članom 99. Zakona.

10. Ostali podaci koji su bitni, a vezani su za predmet nabavke i vrstu izabranog postupka javne nabavke:

a) U skladu sa članom 52. stav (2) Zakona svaki ponuđač dužan je u ponudi dostaviti i posebnu pismenu izjavu, ovjerenu kod nadležnog organa, da nije nudio mito niti učestvovao u bilo kakvim radnjama koje za cilj imaju korupciju u predmetnoj javnoj nabavci. Ukoliko ponuđač ne dostavi navedenu Izjavu ponuda će biti odbačena. Obrazac navedene izjave je dat u prilogu III ove tenderske dokumentacije i čini njen sastavni dio.

Slijedeći prilozi su sastavni dio tenderske dokumentacije:

- obrazac za dostavljanje ponude - prilog I
- pismena izjava iz člana 52. Zakona o javnim nabavkama - prilog III
- pismena izjava iz člana 45. stav 1. tačka a) do d) Zakona o javnim nabavkama - prilog IV

Direktor

Mirza Brkić, dipl.ing.el.

OBRAZAC ZA DOSTAVLJANJE PONUDE

Broj nabavke:

UGOVORNI ORGAN: Kantonalna agencija za privatizaciju Tuzla

Adresa ugovornog organa: Ul. Soli broj 27, 75000 Tuzla

PONUĐAČ:

Naziv: _____

ID broj: _____

Adresa: _____

KONTAKT OSOBA (za ovu ponudu)

Ime i prezime	
Adresa	
Telefon	
Faks	
E-mail	

Ime i prezime osobe koja je ovlaštena da predstavlja ponuđača:

Potpis ovlaštene osobe: _____

Mjesto, datum i pečat: _____

PISMENA IZJAVA IZ ČLANA 52. ZAKONA O JAVNIM NABAVKAMA

Ja, niže potpisani _____ (ime i prezime), sa osobnom kartom broj: _____ izdatom od _____, u svojstvu predstavnika privrednog društva ili obrta ili srodne djelatnosti _____ (navesti položaj, naziv privrednog društva ili obrta ili srodne djelatnosti), ID broj: _____, čije sjedište se nalazi u _____ (grad/općina), na adresi _____ (ulica i broj), kao kandidat/ponuđač u postupku javne nabave _____ (navesti tačan naziv i vrstu postupka javne nabavke), a kojeg provodi ugovorni organ _____ (navesti tačan naziv ugovornog organa), za koje je objavljeno obavještenje o javnoj nabavci na web stranici Vlade TK (www.vladatk.kim.ba), a u skladu sa članom 52. stav (2) Zakona o javnim nabavkama pod punom materijalnom i krivičnom odgovornošću

I Z J A V L J U J E M

1. Nisam ponudio mito ni jednom licu uključenom u proces javne nabave, u bilo kojoj fazi procesa javne nabavke.
2. Nisam dao, niti obećao dar, ili neku drugu povlasticu službenom ili odgovornom licu u ugovornom organu, uključujući i strano službeno lice ili međunarodnog službenika, u cilju obavljanja u okviru službene ovlasti, radnje koje ne bi trebalo izvršiti, ili se suzdržava od vršenja djela koje treba izvršiti on, ili netko tko posreduje pri takvom podmićivanju službenog ili odgovornog lica.
3. Nisam dao ili obećao dar ili neku drugu povlasticu službenom ili odgovornom licu u ugovornom organu uključujući i strano službeno lice ili međunarodnog službenika, u cilju obavljanja u okviru svoje službene ovlasti, radnje koje bi trebalo obaviti, ili se suzdržava od obavljanja radnji, koje ne treba izvršiti.
4. Nisam bio uključen u bilo kakve aktivnosti koje za cilj imaju korupciju u javnim nabavkama.
5. Nisam sudjelovao u bilo kakvoj radnji koja je za cilj imala korupciju u toku predmeta postupka javne nabavke.

Davanjem ove izjave, svjestan sam krivične odgovornosti predviđene za krivična djela primanja i davanja mita i krivična djela protiv službene i druge odgovornosti i dužnosti utvrđene u Krivičnim zakonima Bosne i Hercegovine.

Izjavu dao:

Mjesto i datum davanja izjave:

Potpis i pečat nadležnog organa:

M.P.

PISMENA IZJAVA IZ ČLANA 45. ZAKONA O JAVNIM NABAVKAMA

Ja, niže potpisani _____ (ime i prezime), sa osobnom kartom broj: _____ izdatom od _____, u svojstvu predstavnika privrednog društva ili obrta ili srodne djelatnosti _____ (navesti položaj, naziv privrednog društva ili obrta ili srodne djelatnosti), ID broj: _____, čije sjedište se nalazi u _____ (grad/općina), na adresi _____ (ulica i broj), kao kandidat/ponuđač u postupku javne nabave _____ (navesti tačan naziv i vrstu postupka javne nabavke), a kojeg provodi ugovorni organ _____ (navesti tačan naziv ugovornog organa), za koje je objavljeno obavještenje o javnoj nabavci na web stranici Vlade TK (www.vladatk.kim.ba), a u skladu sa članom 52. stav (2) Zakona o javnim nabavkama pod punom materijalnom i krivičnom odgovornošću

IZJAVLJUJEM

Ponuđač _____ u navedenom postupku javne nabavke, kojeg predstavljam, nije:

- a) Pravosnažnom sudskom presudom u kaznenom postupku osuđen za kaznena djela organiziranog kriminala, korupcije, prevare ili pranja novca u skladu s važećim propisima u BiH ili zemlji u kojoj je registriran;
- b) Pod stečajem ili je predmetom stečajnog postupka ili je pak predmetom postupka likvidacije;
- c) Propustio ispuniti obaveze u vezi s plaćanjem penzionog i invalidskog osiguranja i zdravstvenog osiguranja u skladu s važećim propisima u BiH ili zemlji u kojoj je registriran;
- d) Propustio ispuniti obaveze u vezi s plaćanjem direktnih i indirektnih poreza u skladu s važećim propisima u BiH ili zemlji u kojoj je registriran.

U navedenom smislu sam upoznat sa obavezom ponuđača da u slučaju dodjele ugovora dostavi dokumente iz člana 45. stav (2) tačke od a) do d) na zahtjev ugovornog organa i u roku kojeg odredi ugovorni organ shodno članu 72. stav (3) tačka a).

Nadalje izjavljujem da sam svjestan da krivotvorenje službene isprave, odnosno upotreba neistinite službene ili poslovne isprave, knjige ili spisa u službi ili poslovanju kao da su istiniti predstavlja kazneno djelo predviđeno Kaznenim zakonima u BiH, te da davanje netačnih podataka u dokumentima kojima se dokazuje lična sposobnost iz člana 45. Zakona o javnim nabavkama predstavlja prekršaj za koji su predviđene novčane kazne od 1.000,00 KM do 10.000,00 KM za ponuđača (pravno lice) i od 200,00 KM do 2.000,00 KM za odgovorno lice ponuđača.

Također izjavljujem da sam svjestan da ugovorni organ koji provodi navedeni postupak javne nabavke shodno članu 45. stav (6) Zakona o javnim nabavkama BiH u slučaju sumnje u tačnost podataka datih putem ove izjave zadržava pravo provjere tačnosti iznesenih informacija kod nadležnih organa.

Mjesto i datum davanja izjave:

Izjavu dao:

Potpis i pečat nadležnog organa: _____